



SLUŽBENE NOVINE

KANTONA SARAJEVO

Godina XXVI - Broj 12

Četvrtak, 25. 3. 2021. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na XVIII Hitnoj sjednici održanoj dana 22.03.2021. godine, donijela je

ZAKON

O IZMJENAMA I DOPUNAMA ZAKONA O UBLAŽAVANJU NEGATIVNIH EKONOMSKIH POSLEDICA I UŠTEDAMA U KANTONU SARAJEVO

Član 1.

(Dopuna člana 1.)

U Zakonu o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", br. 18/20 i 46/20), u članu 1. iza riječi "pomoći privrednim subjektima" dodaju se riječi "i studentima", a iza riječi "naknade za općekorisne funkcije šuma" dodaju se riječi "oslobađanje od plaćanja dijela uplate školarine".

Član 2.

(Dopune člana 2.)

U članu 2. iza stava (4) dodaju se novi st. (5), (6) i (7) koji glase:

- "(5) Vlada će osigurati finansiranje cijele ili dijela minimalne mjesečne neto plaće na nivou Federacije Bosne i Hercegovine za mjesec u 2021. godini za djelatnosti kojima je rad znatno otežan zbog posljedica uzrokovanih pandemijom coronavirusa, u skladu sa obezbijeđenim sredstvima.
- (6) Vlada će na prijedlog Ministarstva privrede Kantona najkasnije u roku od deset dana od dana stupanja na snagu ovog zakona donijeti poseban akt o postupku finansiranja iz stava (5) ovog člana.
- (7) Na prijedlog Ministarstva privrede Kantona, Vlada može odlukom odobriti isplatu pripadajućih poreza i doprinosa na minimalnu mjesečnu neto plaću na nivou Federacije Bosne i Hercegovine subjektima kojima svojom odlukom zabrani rad, za period trajanja ove zabrane."

Član 3.

(Izmjena člana 3.)

U članu 3. u stavu (6) riječ "Banke" zamjenjuje se riječju "banaka".

Član 4.

(Novi član 9a.)

Iza člana 9. dodaje se član 9a. koji glasi

"(Član 9a.)

(Oslobađanje od plaćanja dijela školarine u 2020./2021. godini)

- (1) Studente prvog i drugog ciklusa studija, kao i studente integrisanog studija Univerziteta u Sarajevu koji finansiraju svoj studij, a imaju ostvaren prosjek ocjena najmanje 8,00 i položili su sve ispite iz prethodne godine i ne obnavljaju studij u 2020./2021. godini, Kanton Sarajevo u skladu sa ovim zakonom, oslobađa plaćanje dvije trećine školarine za 2020./2021. godine.
- (2) Studenti iz stava (1) ovog člana, dužni su preostale rate školarine uplatiti do završetka akademske 2020./2021. godine."

Član 5.

(Izmjena člana 10.)

Član 10. mijenja se i glasi:

"Član 10.

(Period neplaćanja)

Takse, članarina i naknade iz čl. 4., 5., 6., 7., 8. i 9. ovog zakona neće se plaćati za vrijeme proglašenog stanja nesreće i 60 dana po prestanku stanja nesreće uzrokovane pojavom coronavirusa (COVID-19) (u daljem tekstu: nesreća)."

Član 6.

(Izmjena i dopuna člana 12.)

U članu 12. stav (4) mijenja se i glasi:

- "(4) Izuzetno od st.(1) i (2) ovog člana kantonalna ministarstva i resorna kantonalna ministarstva koja u svom resoru imaju potrošačke jedinice mogu donijeti posebnu odluku za svoje ministarstvo i za potrošačke jedinice iz svog resora, a za samostalne kantonalne uprave, samostalne kantonalne upravne organizacije, stručne i druge službe koje osniva Vlada, odluku može donijeti Vlada."
- Iza stava (5) dodaje se novi stav (6) koji glasi:

"(6) Izuzetno od stava (5) ovog člana Ministarstvo unutrašnjih poslova Kantona Sarajevo može donositi podzakonske akte koji proizvode dodatne fiskalne efekte na Budžet".

Član 7.

(Dopuna člana 13)

U članu 13. iza stava (2) dodaje se novi stav (3) koji glasi:

"(3) Vlada će u roku od sedam dana od dana stupanja na snagu ovog zakona donijeti izmjene i dopune programa iz stava (1) ovog člana radi provođenja finansiranja iz člana 2. stav (5) ovog zakona i u slučaju potrebe provođenja drugih mjera."

Član 8.

(Stupanje na snagu)

Ovaj Zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-11460/21

22. marta 2021. godine

Sarajevo

Predsjedavajući

Skupštine Kantona Sarajevo

Elvedin Okerić, s. r.

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. stav (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20), Vlada Kantona Sarajevo, na 11. sjednici održanoj 11.03.2021. godine, donijela je

ODLUKU

O DAVANJU SAGLASNOSTI BUDŽETSKOM KORISNIKU IZ NADLEŽNOSTI MINISTARSTVA ZA ODGOJ I OBRAZOVANJE - JU GIMNAZIJA DOBRINJA ZA ISPLATU NAKNADE PO UGOVORU O DJELU

I

Daje se saglasnost budžetskom korisniku iz nadležnosti Ministarstva za odgoj i obrazovanje -JU Gimnazija Dobrinja 21030006 za izuzeće primjene člana 12. stav (1) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20).

II

U vezi sa tačkom I ove odluke daje se saglasnost za isplatu sredstava za slijedeće:

- ugovor o djelu za godišnje održavanje softvera stalnih sredstava u neto iznosu od 200,00 KM.

III

Sredstva iz tačke II ove odluke isplatit će se iz Budžeta Kantona Sarajevo za 2021. godinu, odnosno iz bužeta

budžetskog korisnika JU Gimnazija Dobrinja 21030006, sa ekonomskog koda 613900 Ugovorene i druge posebne usluge.

IV

Za realizaciju ove odluke zadužuje se budžetski korisnik JU Gimnazija Dobrinja, Ministarstvo za odgoj i obrazovanje Kantona Sarajevo i Ministarstvo finansija Kantona Sarajevo.

V

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-6490-8/21

11. marta 2021. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 30. i 36. Zakona o izvršavanju Budžeta Kantona Sarajevo ("Službene novine Kantona Sarajevo", broj 05/21), Vlada Kantona Sarajevo, na 11. sjednici održanoj 11.03.2021. godine, donijela je

ODLUKU

O USVAJANJU PROGRAMA UTROŠKA SREDSTAVA SA KRITERIJIMA RASPODJELE SREDSTAVA TEKUĆIH I KAPITALNIH TRANSFERA UTVRĐENIH BUDŽETOM KANTONA SARAJEVO ZA 2021. GODINU MINISTARSTVU ZDRAVSTVA KANTONA SARAJEVO

I

Usvaja se Program utroška sredstava za pozicije:

- "Prevenција, očuvanje i unapređenje zdravlja stanovništva Kantona Sarajevo" - ekonomski kod 614300, subanalitika KAN083, funkcija 074F i
- "Izgradnja, rekonstrukcija i opremanje javnih zdravstvenih ustanova Kantona Sarajevo" - ekonomski kod 615300, subanalitika KAU0B3, funkcija 075F,

utvrđenih u Budžetu Kantona Sarajevo za 2021. godinu, razdjel 20 - Ministarstvo zdravstva Kantona Sarajevo ("Službene novine Kantona Sarajevo", broj 05/21), kako slijedi

PROGRAM

UTROŠKA SREDSTAVA SA KRITERIJIMA RASPODJELE SREDSTAVA TEKUĆIH I KAPITALNIH TRANSFERA UTVRĐENIH BUDŽETOM KANTONA SARAJEVO ZA 2021. GODINU MINISTARSTVU ZDRAVSTVA KANTONA SARAJEVO

Ovim Programom vrši se raspodjela sredstava unutar zbirnih pozicija tekućih i kapitalnih transfera utvrđenih Budžetom Kantona Sarajevo za 2021. godinu na razdjelu 20 - Ministarstvo zdravstva Kantona Sarajevo za programe i projekte kako slijedi:

1. Prevencija, očuvanje i unapređenje zdravlja stanovništva Kantona Sarajevo (ekonomski kod 614300, subanalitika KAN083, funkcija 074F)

Red. br.	Naziv programa	Svrha programa	Korisnici sredstava	Kriteriji za raspodjelu sredstava	Izvor 10 - (budžetska sredstva) u KM
1.	Usluge mrtvozorstva	Kontinuitet u radu službe za mrtvozorstvo	JU Dom zdravlja KS, JU Zavod za hitnu medicinsku pomoć KS	- član 13. tačka (13) Zakona o zdravstvenoj zaštiti - Kanton Sarajevo osigurava organizaciju i rad mrtvozorničke službe; - istorijski trošak;	181.000
2.	Sprovođenje programa obavezne preventivne sistematske deratizacije u Kantonu Sarajevo	Spriječavanje pojave zaraznih bolesti na području Kantona Sarajevo	Izabrani izvođač deratizacije izabran u skladu sa Zakonom o javnim nabavkama	- član 13. tačka (10) Zakona o zdravstvenoj zaštiti - provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti - Odluka o provođenju obavezne preventivne sistematske	200.000